

ओ जी ओ अलबेला महारा

ओ जी ओ अलबेला महारा सांवरिया
थारा दास पुकारे बेगा बेगा आओ जी सांवरा
ओ जी ओ अलबेला.....

मकराणे को मंदिर थारो उजलो प्रभुजी
थारे तोरण की छवि न्यारी मन ललचावे जी सांवरा
ओ जी ओ अलबेला.....

चांदी के सिंघाशन पर बेठ्या प्रभुजी
थारे सोने रो छत्तर सिर पर सोहे जी सांवरा
ओ जी ओ अलबेला.....

काना माहि झील मिल कुण्डल सोवणा प्रभुजी
थारे मोर मुकुट की सोभा अति नयारी मन भावे जी सांवरा
ओ जी ओ अलबेला.....

खस गुलाब जूही बेला खूब चढ़े प्रभुजी
थारो महक रह्यो दरबार जियो हरसावे जी सांवरा
ओ जी ओ अलबेला.....

केसरिया पचरंगो बागो पीड़ हरे प्रभुजी
थारे टाबरिया का बेडा पार लगावो जी सांवरा
ओ जी ओ अलबेला.....

फागुन महीनो आग्यो जागो श्याम धनि प्रभुजी
म्हे कस लिया बीटा गाड़ी रिजर्वे करावो जी सांवरा
ओ जी ओ अलबेला.....

आलूसिंह सिणगार करे थारो चाव से प्रभुजी
थे खुस होकर भगता ने हुकम सुनावो जी सांवरा
ओ जी ओ अलबेला.....

<https://bhajanganga.com/bhajan/lyrics/id/13596/title/o-ji-o-albela-mahara>

अपने Android मोबाइल पर [BhajanGanga](#) App डाउनलोड करें और भजनों का आनंद ले |